

Na osnovu člana 7.2 Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 7. Pravilnika o licencama ("Službeni glasnik BiH", broj 87/12), Državna regulatorna komisija za električnu energiju, na sjednici održanoj 14. maja 2013. godine, donijela je

ODLUKU
O VISINI JEDNOKRATNE NAKNADE ZA PROVOĐENJE POSTUPKA
U SKLADU SA PRAVILNIKOM O LICENCAMA

Član 1.
(Predmet odluke)

Ovom odlukom propisuje se visina jednokratne naknade koja se plaća prilikom podnošenja zahtjeva za izdavanje, izmjenu, suspenziju i ukidanja licence, kao i u postupcima kod prodaje, dodjeljivanja, iznajmljivanja ili prijenosa licence na neki drugi način u skladu sa Pravilnikom o licencama ("Službeni glasnik BiH", broj 87/12).

Član 2.
(Potvrda o uplati naknade)

Uz zahtjev za provođenje postupka u skladu sa odredbama Pravilnika o licencama, podnosilac zahtjeva prilaže i potvrdu o uplati naknade iz člana 1. ove odluke.

Član 3.
(Visina naknade)

U zavisnosti od vrste postupka koji se provodi, visina naknade iznosi:

R.br.	Vrsta zahtjeva	Iznos (KM)
1	Izdavanje, prodaja, iznajmljivanje ili prijenos licence na neki drugi način	
	1. Licenca za prijenos električne energije	3.000
	2. Licenca za aktivnosti nezavisnog operatora sistema	3.000
	3. Licenca za međunarodnu trgovinu	2.000
	4. Licenca za međunarodnu trgovinu električnom energijom za vlastite potrebe	2.000
	5. Licenca za trgovinu i snabdijevanje električnom energijom na teritoriji BiH	2.000
	6. Licenca za snabdijevanje električnom energijom nekvalificiranih kupaca	2.000
	7. Licenca za distribuciju električne energije	2.000
8. Licenca za proizvodnju električne energije za objekte	3.000	

	instalirane snage preko 1 MW	
	9. Dozvola za izgradnju elektroenergetskog objekta instalirane snage preko 1 MW	1.000
2	Izmjena licence	1.000
3	Suspenzija licence	2.000
4	Ukidanje licence	1.000

Član 4.
(Prestanak važenja)

Danom stupanja na snagu ove odluke prestaje da važi Odluka o visini naknade za podnošenje zahtjeva za izdavanje licenci ("Službeni glasnik BiH", broj 38/05).

Član 5.
(Stupanje na snagu)

Ova odluka stupa na snagu osmog dana od dana objave u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

Broj: 05-28-12-205/13
14. maja 2013. godine
Tuzla

Predsjedavajući Komisije

Milorad Tuševljak